



7. ՀՈՐ ԻՐԵՔ ԽՐԱՏԸ

Կար ժամանակով մի քաղքում մի դուքանտար, երեւի մարդ էր մարդին մի հատ տղա ունեւ, էդ տղին կանչեց, ասեց.

— Տղա՛, արի՛, իմ մահը մոտ ա, արի քեզ խրատ տամ, ա՛յ որդի,— ասեց,— հոր խրատ բռնողը մաղքուն չի մնա։ Առաջին խրատս էն ա, որ ժամը տան՝ ինչ բան ունենաս կթողես կէթաս քու ժամը. մեկ էլ՝ ինչ տեղ ըլլում ա, ըլլի, որտեղ մթնի՝ էնտեղ կմնաս։ Վերջն էլ՝ ինչ ջուր կտենաս, առանց վալատի անց չես կենա։

Մի ժամանակ մնաց, հերը մեռավ։ Տղեն էկավ, իրա դուքանը նստեց, մտիկ արեց տեհավ, որ իրա ընկեր կողքի դուքանչիքը պատրաստութուն են տենում, որ էթան Թիֆլիզ։ Գնաց, տղեքին հարցրեց.

— էդ ո՞ր եք դնում։

Ասեցին.— էթում ենք Թիֆլիզ ապրանք բերելու։

Ասեց.— Հնձի էլ կտանե՞ք, ձեզ հետ դամ։

Ասեցին.— Խի՞ չենք տանի, քու փողովը կգաս, մեր վրա ծանրութուն չի, պատրաստվի, որ առավոտը գշերով դուս ենք գալի։

Դուս էկան ընկան ճանապարհ. գնացին, գնացին, հասան Քիֆլիզ: Առուտուրն արեցին, իրանց բեռները բեռնեցին, ընկան ճանապարհ: Իրիկվա զանկերը քաշեցին, էգ տղեն իրա ընկերտանցը ասեց.

— Տղե՛ք, կաղնեք, բան եմ ասում:

Ասեցին.— Ի՞նչ ես ասում:

Ասեց.— Իրիկվա զանկերը քաշեցին, էթանք ժամ ու ժամուց դուս գա՛նք, բեռները քշենք էթանք:

Ընկերտանքը ասեցին.— Հո գիժ չե՛ս, շարի էթանք ժամ, գանք, մեկ փոշտ ճանապարհ կէթանք:

էդ տղեն ասեց.— Իմ հոր խրատը չեմ կորցնի:

Ընկերտանքը բեռները քշեցին, գնացին. էգ իրա բեռները կաղնացրեց, գնաց ժամ, ժամիցը դուս էկավ, իրա բեռները նոր քշեց, էկավ էրկու օր, անճախ հասավ իրանց գետան ղրաղը: Տեհավ՝ իրան ընկերտանքը կեսը ըսդին ա, կեսը ընդին ա, հարցրեց.

Ասեցին.— Հոզը էկավ մեր գլխին, ընկորտանցից ո՛րը ջուր տարավ, որը հեղդվեցավ, որի բեռները տարավ:

— էնենց մարդ չկար ձեզի անց կացներ:

Ասեցին.— Ի՞նչ ա տվե ընենց մարդ, որ անցկացնե:

Իրա նոքարներին ասեց.— Բեռները վեր ածեք, ժաժ չգաք, շարի ես էթամ գեղ ու զամ:

Գնաց գեղը, հարցրեց.— էս ջրին լավ վալատ կրլլեք, ո՞վ ա լավ լեղվոր, ինձ ասեք:

Ասեցին.— Ըստի մի տղա կա, լավ լեղվոր ա:

Ասեց.— էն տղին կանչեք գա իմ մոտը:

Գնացին կանչեցին՝ էկավ, ասեց.

— Ախպե՛ր, ի՞նչ ես ասում:

Ասեց.— էս ջրին մենք վալատ չենք, ի՞նչ ես ուզում որ էս ջուրը մեղ անցկացնես:

Ասեց.— Տեսնում ես, ջատ մարգեր վնասվել ա, քսան մանեթ փող կառնեմ, կանցկացնեմ:

— Դե՛, արի՛,— ասեց,— քսան մանեթ կտամ, անցկացրա՛ էկան, գետան ղրաղը կաղնեցին:

Ասեց.— Շորերդ հանա՛, մտիւր գետան մեջը՝ գնա՛, արի՛, որ ճանփեն իմանանք, դենը անց կենանք:

Մտալ մեջը շորս անգամ գնաց էս դրադը, էն դրադը, ա-
սեց,— Դե՛, բեռները բռնե՛, ճանապարհը գթա՛:

Բեռները բռնեցին սալամաթ անց կացան էս էրեսը:

Տե՛հան մի մեծ բազիրկյան ըդի վեր ա էկե: Էդ բազիրկյան
բաշին էգ տղին կանչեց. դնաց ասեց.— Աղա՛, ի՞նչ պրտի ասես:

Ասեց.— Ըստե հաղար մարգ վեր են էկե, մեկը քու խելքը
շուննի: Դու ո՞րդուց ես:

Ասեց.— Ծս էրեվանցի եմ, վաղարշապատից:

Ասեց.— Ա՛յ որդի, ես էլ Գյանշեցի եմ, տենը՞մ ես իմ ապ-
րանքը, քսան հաղար մանեթի կըլլի. որդի՛, քո՛ւ ապրանքը քանի
հաղար մանեթի կըլլի:

Ասեց.— Իմը էրկու հաղար մանեթի ա:

Ասեց.— Դու իմ աչքին դիր էկար, կուզե՞ս որ իմ քսան հա-
ղար մանեթի ապրանքը քու էրկու հաղար մանեթի ապրանքի
հետ գնեմ, ընկեր անեմ քեզ: Ծս իմ մայեն վեր կալեմ, դու քու
մայեն, ինչ որ դատենք, հալալ կիսենք:

— Աղա՛, որ ըդենց անես, ես շատ շնորհակալ կըլլեմ քե-
զանից:

Լեղվորին ասեցին.— Արի՛, մեր բեռները անցկացրա էն
դիհը:

Ասեց.— Աղա՛, քսան մանեթ բարըշել եմ՝ անցկացնեմ էն
դիհը: Հրմի էն դնով չեմ անցկացնի, տենը՞մ ես, որ արին ա բե-
րրմ շուրը:

Ասեց.— Որդի՛, անցկացրա, մի գատ էլ ավել կտանք:

Բռնեց, ամենն էլ սալամաթ անցկացրեց էն էրեսը:

— Քսան մանեթ բարիշել են,— ասեց,— ա՛ռ քե հոսսուն
մանեթ:

Ասեց.— Շատ շնորհակալ եմ, բարի ճանապարհ ձեզ:

Գնացին, դուս էկան Գյանշվա քաղաքի դրադը: Էնտեղ մի
քար կար, անունը Նալիթ տաշի՝ էր, բեռները էն քարի մոտ վեր
քցեցին:

Բազիրկյան բաշին մի հատ թուխտ գրեց, ասեց.

— Կտանես իմ տունը, թուխտը կտաս իմ կնկա՞ն, իմ կնիկը
կկարդա, դուքանի բանալիները կտա քեզ, կգաս դուքանը բաց
կանես, մեջը կսրբես, նստես ընտե, շարի ես կգամ:

Է Անիսյալ քար (Մ. Բ.):

Թուխտը վե կալավ ու գնաց, հարցրեց բազիրկյան բաշու տունը, գթավ, Թուխտը տվեց բազիրկյան բաշու կնկանը, կնիկը կարգաց, ասեց.

— Ո՛րտեք վեր ա էկե:

Ասեց.— Քաղաքի ղրաղը:

էն սըհաթին էն կնկա աչք ընկավ էգ տղին: Բանալիքները տվեց տղին ու ձեռները բռնեց հուփ տվեց, ասեց.

— Ա՛յ տղա, դու տղամարդ չե՞ս:

Ասեց.— Ի՞նչ տղամարդ:

Ասեց.— Սա ինչ որ ասեմ, դու ինձ լսես՝ ես քեզ լավ կպահամ: Քու աղեն էթում ա՝ էրկու տարով, իրեք տարով չի գալի, ես քեզ իմ ծոցի մեջը կպահամ:

— Չէ՛, խանում, թող տո՛ւ էթամ, հըմի աղեն կգա:

Ասեց.— Ա՛յ տղա, ի՞նչ վռազ էթում ես, ինչ որ ասեցի, դու բան չհասկացար:

Ասեց.— Քու ասութունները ամեն ես հասկացա, էդ բանի տերը չեմ:

— Ո՛ր տերը չես, կորի՛, գնա՛:

էդ տղեն էկավ, դուքանները հարցրեց՝ գթավ, դոները բաց արեց, ավելը վե կալավ, թամուզ սրբեց, ջուր բերեց, ջրջրանեց:

Տեհավ աղեն էկավ, ասեց.— Զորանա՛ս, լավ ես արե:

Ապրանքը քաշեցին նեքսե, պրծան:

Ասեց.— Ա՛յ տղա, դու առուտուր արա, ես էթամ, մի տուն դիպչեմ:

Գնաց տուն: Կնկա հետ ձեռ բռնեց, բարեկեց ու նստավ:

Կերան, խմեցին, քեֆ արին:

էդ տղեն սկսեց առուտուրը. սաղ քաղաքը ըդրա վրա թեքվավ, մի երեք ամիս մնաց:

Բազիրկյանի կնիկը ասեց.— էն ինչ տղա ա՝ դուքանը ղըրել ես:

Ասեց.— էրեանցի ա, ընկեր եմ արել իմ հետ:

Ասեց.— Խի՞ չես ղրկում տուն, տունը ճանաչի, էթա, դա:

Գնաց դուքանը, տղին ասեց.— Գնա՛, տանը հաց կեր էս օր:

Տղեն էկավ տուն, տեհավ խանըմը մի լավ պատրաստութուն ա տեհե:

— Դե,— ասեց,— բարե ես էկե, հա՛ջար բարե, ըտեղ նստի:

Նստացրեց ու հացը քցեց, կերակուլ քաշեց, գինի գրեց. կերան ու խմեցին, քեֆները լավացավ։

Կնիկն ասեց.— Ա՛յ տղա, ես քե հետ պըտի նստեմ ու կաղնեմ. իմը դու ես, ես քոնն եմ։

Տղեն ասեց.— Անկարելի՛ ա, չի ըլլի՝ քե պես հազարն ըլլի, ինձ պետքը չէ։

Ասեց.— Իմ ձեռից չես պրծնի, ո՞ւր պըտի էթաս ըսօր դու։

Ասեց.— Մի կտոր հաց տվեցիր, պըտի հարամե՛ս իմ վրա։

Ասեց.— Որ ըգենց ա, ափսոս ա հացը ուտես, դե վեր կալ գնա՛։ Դե յալլա՛։

Տղեն վե կացավ, գնաց դուքանը։

Բաղրկյանը հարցրեց.— Ա՛յ որդի, հաց կերա՞ր։

Ասեց.— Շատ շնորհակալ եմ, օջաղդ հաստա՛տ ըլլի։

— Դե՛, — ասեց, — նստի դուքանը, ես էլ էթամ հաց ուտեմ։

Բաղրկյան էկավ տուն, ասեց.— Ա՛յ կնիկ, հաց բեր։

Կնիկը հաց բերեց, քցեց աղաքը. տեհավ կնկա նոթերը կիտած ա, ասեց.— Ա՛յ կնիկ, քեզ ի՞նչ ա էլե՛ նոթերդ կիտել ես։

Ասեց.— Չի կիտեմ՝ բա ի՞նչ անեմ, դուն էլ գնացել մարդ ես գտե, քեզ ընկեր ես արե։

Ասեց.— Ի՞նչ կա, էդ լավ մարդ ա։

Ասեց.— Ո՛նց լավ ա, գալու օրը ձեռներս բռնեց ու ճմռեց, ըս օր էլ էկավ, հաց դրեցի որ ուտեր, յախես բռներ ա հախ ու նհախ էս բանը պըտի ըլլի, որ մեկ էլ էկել ա տունը, ի՞նչ օյին ասես, իմ գլուխը կհանի։

Բաղրկյանը ասեց.— Որ ըդենց ա, էթամ դուս հանեմ, էթա։

— Դուս հանես, իմ անըմը կըտա։

Ասեց.— Բա ի՞նչ անենք։

— Քեզ փռի դուքան ունես, փռնչուն թամպահ արա. գշերն ո՛ր էն տղին դրկեմ, ի՞նչ վախտ որ էկավ, քցեք փուռը, թո վառի, վերջանա՞։

Բաղրկյան բաշին գնաց փռնչուն, ասեց.— Փռնչի՛։

Ասեց.— Համմե, աղա՛։

Ասեց.— Գշերվա կիսին ո՛վ կուդա, կասի. «Բանը պատրաստ ա, ո՛ր աղեն ասել ա ձեզ»։ Հենց կբռնեք, քցեք փուռը, ո՛վ կըլլի՝ կըլլի։

Գնաց դուքանըմը նստեց, ասեց.— Ա՛յ տղա, կէջա փուռ.
կասես. «Աղեն ասըմ ա, էն բանը պատրաստ ա»:

Ասեց.— Շատ բարի՛, կէթա՛մ:

Աղեն գնաց տուն, կնիկն ասեց.— Թամպա՛ն արի՛ք:

Ասեց.— Թամպա՛ն արի:

Լսի դեմը վե կացավ, ասեց.— Նտացել եմ, էթամ:

Գնաց, հասավ փռի դուռը. դուռը շինած էր. մի քար վծ կա-
լավ, որ դուռը ծածի, հենց ժամի զանկը քաշեցին. ուսուլով քարը
վեր դրեց դռան աղաքը, ասեց. «էթամ ժամը՝ դամ ու ասեմ»:
Հորը խրատը պահում ա: Գնաց ժամ:

Բազրկյանի կնիկն էլ էթում էր ժամ. էկավ, փռի դռնովը
անցկացավ ասեց.— «Փռնչուն հարցնեմ, տենամ կատարել ա
իրիկվա խոսքը»: էկավ, մտավ փուռը, փռնչուն ասեց.— Իրիկվա
ասած խոսքը կատարե՞լ եք:

Փռնչին ասեց.— Մոտ արի՛, տենամ ի՞նչ ես ասըմ:

Մոտ գնաց, էլ չխոսացրեց. բռնեցին, կոխեցին փուռը:

Տղեն ժամիցը դուս էկավ, էկավ փռնչու մոտը, ասեց.— Աղի
խոսքը կատարել ե՞ք:

Ասեց.— Գնա՛, արխային կաց, կատարեցի՛նք:

Տղեն ետ դառավ, էկավ դուքանը բաց արեց, նստավ:

Աղեն վեր կացավ, էկավ դուքանը, էկավ, տեհավ տղեն դու-
քանըմը նստած ա, ասեց.— Ա՛յ տղա, ախր ես քե բան Թամպա՛ն
արի. գնացի՞ր փռնչու մոտը:

Ասեց.— Գնացի, ասեցի փռնչուն. «Աղի՛, Թամպա՛ն արած
բանը կատարե՞լ եք». Փռնչին ասեց. «Կատարել ենք»:

էն աղեն վեր կացավ, իրա մեղքն ասեց. «Բա՛ լիրբը տղիցը
թեզ ա գնացել»: Վեր կացավ, դպա տուն ղնաց: Տեհավ կնիկը
տանը չի, գնաց դպա փուռը, փռնչուն ասեց.— Իմ ասածը կա-
տարեցի՞ք:

Ասեց.— Կատարեցի՛նք:

Ասեց.— Ո՞վ էր, որ կատարեցիք:

Ասեց.— Քու կնիկդ էր:

Դառավ ետ, գնաց դրպա դուքանը: Գնաց դուքանը, տղին
ասեց.— Արի ըստեղ, արի ղրուստն ասա, էրեկ որ գնացիր տուն,
ինչ պատիվ առար:

Ասեց.— Պատվիցը շնորհակալ եմ, ամեն տեսակ բան էլ կար.

Ասեց.— Էդոնք թո մնա, կնկանս ի՞նչ ասեցիր:

Ասեց.— Աղա՛, ես բան չասեցի, ինչ որ ասեց, քո կնիկն ասեց:

Ասեց.— Ի՞նչ էր ասըմ:

— Ասեց. «Աղեղ կէթա՛ւ ամսով, էրկու ամսով չի գա, ես քունն եմ, գու իմն ես». ես անկաջ շարեցի, թողացի, վեր կացա. իմ վրա բարկացավ, ես էլ էկա դուքան:

Ասեց.— Որդի՛, որ ըդենց ա, իրա եղովը տապակվեց. արի հաշիվ անենք, քու հաշիվն ա՛ռ, աստված քու հետ, բարի ճանապարհ ըլիս, ես էլ դուքանները պըտի ծախեմ, էթամ ուրիշ երկիր: Էդ տղեն իրա փայն առավ ու ընկավ ճանապարհ. էկավ, մի քաղաքի տղա դուս էկավ: Արևը մտավ, ասեց.

— Բեռները վեր ածե՛ք:

Ասեց.— Աղա՛, խի վեր ածենք. քաղաքը մոտ ա, էթանք քաղաքը:

Ասեց.— Անկարելի ա, իմ հերը խրատ ա տվե. «Ո՛րտե արևը մտնի, ընտե պըտի մնաս»: Բեռները վեր ածեցին, կշտին պառկան, ինքը դշերը բեռների բուրդը պտրտում էր: Տեհավ մի մարդ ֆանարը ձեռին գալիս էր. էկավ, իրա կողքով անցկացավ, դպա գերեզմանները դնաց. տեհավ շըլակին մի զատ կա, քամակից յավա՛շ-յավա՛շ դնաց. հեռու կաղնավ, ըզրան թամաշա արեց: Շլակի բանը վեր դրեց. մի քար շուռ տվեց, տեղը փորեց, էդ րանը դրեց տեղը: Ֆողը վրա տվեց ու թողեց գնաց:

Ասեց.— Էս ապրանք ա՛, բերեցին, ըստե պահեցին, գնացին, էթամ՝ հանեմ:

Ֆողը ետ տվեց ու հանեց, տեհավ մի հատ աղջիկ ա, հոգին տրրփում ա, խանչալը իրեք, չորս տեղ տվել են: Վեր կալավ, բերեց իրա բեռների մոտը. «Ո՛ր մեռնի, կտանեմ ֆորեմ».— Ասեց, Բերեց շոր փուկ տակն, պառկացրեց, մի շոր էլ քաշեց էրեսին:

Լիսը բացվեց, վե կացան թատարիք տենան, որ բեռները բարձեն. թամաշա արին մի հինգ հարուր ձիավոր, դահա շատ, քաղաքից դուս էկան, քաղաքի ղրաղին տաս-տաս, քսան-քսան էլան, ցվըրվան դըսյա հանդը, մի հինգ ձիավոր դուղ էկան քարվանի մոտը կաղնեցին, հարցրին.— Էս գշեր ըստե՞ղ իք:

Ասեցին.— Հա՛, ըստեղ ինք:

Ասեցին.— Թաքավորի աղջկան սպանել են, վե կալել տարե.
բան ու ման չե՞ք տե՛հ ըստեղրանք:

Ասեցին.— Իրիկվորե ըստեղ ենք, բան չենք տե՛հ:

էդ ձիավորները թողեցին գնացին:

էդ տղեն ասեց.— Ինչ անեմ, թե էկան իմ կշտին գթան ըստ-
րան, լեզու չունի, որ ասի, թե ինձ սպանող էս չի. ինձ կտանեն,
կորցնեն: Էսօր էլ կմնամ ըստի, թե մեռավ՝ կթաղեմ տեղը:

էն գշերը մնաց, տեհավ, չէ՛, չի մեռնում. էն առավոտն էլ
էն քաղաքը շմտավ, վեր կացավ, գնաց ուրիշ քաղաք, մի դուքան
բռնեց, ապրանքը ածեց մեջը, էգ ախչկան տարավ պառկացրեց,
ասեց.— Գողերը վրա են տվե, մեր հընկորը խանչալով յարալու
են արե, ո՞վ կա սաղացնող:

Ասեցին.— Ըստե մի լավ հեքիմ կա:— Գնաց, հեքիմին գը-
թավ, բերեց դուքանը, հեքիմին ասեց.

— Խոստովանք պըտի պահես, էս ախչիկ ա:— Հեքիմը բաց
արեց յարեքը, տեհավ:

Ասեց.— Ի՞նչ ուզես՝ կտամ, պըտի սաղացնես:

Հեքիմը սաղացրեց, ախչիկը բիրտեն աչքը բացեց, տեհավ.
ահա, իրան կշտին հեքիմը ու մի տղա կա, ասեց.

— Ա՛յ տղա, դու ի՞նչ տղա ես:

Ասեց.— Ես բազրկյան եմ, էկա ձեր քաղաքի դրաղը, դու
պատահեցիր:

Ասեց.— Ես թաքավորի ախչիկն եմ. թաքավորը մի հատ վե-
զիր ունեք, դրան մի տղա ունեք, սարաֆութուն կանեք, կգար
մեր ամարաթները, կգար իմ օթախը, իմ հետ կխոսար շարի կես
գիշեր, կես գիշերին կէթար, ինձ խոսք կգցեր: Մեկ օր էլ շատ
ինձ զոռեց, ես ըդրա վրա բարկացա, ասեցի՝ «Առավոտը թա-
քավորին կասեմ, որ քո գլուխը կտրի», էդ խոսքին խանչալը
հանեց ու ինձ տվեց, էլ չեմ իմացե, ի՞նչ ա էլե:

Ասեց.— Քեզ թաղեց, հանեցի բերեցի ըստե, սաղացրի:

Ախչիկը ասեց.— Բեռները բարձս, էթանք մեր քաղաք:

Բեռները բարձեցին, ընկան ճանապարհ, էկան իրանց քա-
ղաքը:

Տարան ապրանքը վեր ածեցին իրանց դուքանի տղաքը, է-
կան էդ տղի տունը վեր էկան:

Ախշիան տասներկու հատ անգին քար ուներ, ալ մահուտի վրա կարած. հանեց, տղին շանց տվեց, ասեց.

— Էս քարերը տենում ես, դու դինը չես գիտա, ես գիտամ, հատը հազար մանեթ աժի: Մի հատը վե կալ տար, էն դուքանների կշտին մի հատ սարաֆ կա, ընդրա վրա ծախա, որ ասի. «Գինն ի՞նչ ա», ասա. «Շինդ հարուր մանեթ ա», էն կհարցնի. «Էլ ունե՞ս», ասա. «Շատ ունեմ կշտիս, որ կուզես»,— ասա,— արի՛ նշանց տամ»: Վե կալես, կբերես:

Իրիկունը սարաֆին վե կալավ, բերեց տուն:

— Ախշի՛,— ասեց,— տղին բերել եմ, քարերը շանց տու, տենանք:

Բերեց, քարերը շանց տվեց, ասեց.— Մեկն որ ծախել ես, տասն մի հատ էլ կա: Նստեք, հաց ուտենք, ետքը փողերը տուր, վեր կալ ու գնա:

Սարաֆը մտածեց, որ վեց հազար մանեթ ըսօր դատում ա, ուրախացավ. ասեց.

— Հաց չեմ ուտում, առեք փողերը՝ տվեք, ես էթում եմ մութն ա:

Ախշիկն էկավ, ասեց.— Հաց ա, կեր ու գնա:

Սարաֆը ասեց իրա միշին.— Կասես էն թաքավորի ախշիկը պըտի ըլի, որ սպանեցի, խոսալը, ժած գալը, ընդրա պես ա. մի քիչ նստեմ, խոսամ, վե կենամ էթամ:

Էդ ախշիկը հաց քցեց, բերեց գինի դրեց. խմեցին, քեֆները մի քիչ լավացավ՝ էդ ախշիկը գնաց մի խանչալ հանեց, էկավ սարաֆի քամակին կաղնեց, մի խանչալ տվեց քամակիցը, սըրտիցը ծերր դուա էկավ: Սարաֆը ընկավ ու մեռավ:

Տղեն ախշկան ասեց.— Խի՞ տվիր ըղրան:

Ասեց.— Իմ սպանողը էս էր, ես էլ իմ ինատը հանեցի, տղա՛,— ասեց,— ինձ որտիան հանեցիր, ըստրան էլ տանենք, ընտի թաղենք: Մի փալասի մեջ կողոլեցին ու վե կալան, տարան, թաղեցին էնտեղ, որ ախշկան հանել էր: Ծտ դառան, էկան տուն:

Առավոտ լիսացավ, տղին ղրկեց մի ձեռք տղամարդի շոր բերի:

Գնաց վե կալավ, բերեց:

Ախշիկը ասեց.— Ի՞նչ առարկա կա բազարումը:

Ասեց.— Վեզիրի տղա սարաֆին ման են գալի:

Ասեց.— Գնա՛ւ էրկու հատ ձի էլ բեր, նիւենք, էթանք, որ շը-
գան, նշանից գտնեն, մեզ կորցնեն:

Հեծան ու գնացին:

Ախշիկն ասեց.— Ա՛յ տղա, գի՛տաս, ուր պըտի էթանք:
էթանք Ստամբուլ, ընտե մի ժամանակ մնանք, էս առարկեն վեր-
ջանա, ետ դառնանք գանք:

Գնացին մի շու, յապանի տեղ վեր էկան, խուրճիկները
հաց հանեցին, նստեցին, կերան:

էդ ախշիկը նստավ ալ մահուտը լվաց, ասեց.— Ա՛յ տղա,
աւշդ վրա պահա, ես էլ մի քիչ քնեմ:

Քնեց. տղեն թամաշա էր անում:

Տեհավ մի հատ ագռավ էկավ, էգ ալ մահուտի կշտին վեր
էկավ, իմացավ միս էր, ի՛նչ էր, վե կալավ էդ ալ մահուտը,
թռավ: Տղեն տեհավ, որ տարավ մի դարի գլխին վեր դրեց. ձին
նիւով, ընկավ քամակը: Գնաց, հասավ. էլի վե կալավ, թռավ,
տարավ դահա հեռու. մեկ էլ գնաց, էլի ագռավ վե կալավ թռավ:
Մութն էլ ընկավ, կորցրեց ագռավին՝ ետ դառավ, ասեց.— էթամ
ախշկան հասնեմ:

էդ ախշիկը զարթնեց, տեհավ, ահա՛, կշտին մարդ չկա:

Ասեց.— է՛յ բեիհթիպար տղա՛, էն նեղ տեղից ընձի ազա-
տեց, իրա ամակին ախսոս չէկավ, էն քանի անգին քարի խաթեր
վեր կալավ, ցնաց:

էդ ախշիկը ձին նիւով դպա Ստամբուլ: Գնաց ծովի դրաղը
գյամին նստեց, գնաց Ստամբուլ մեջը: Գնաց, թեթև դայֆի
դուքան դրեց, ասեց.— Բալքի էդ տղեն էրեւա, ետ դառնանք դը-
պա մեր քաղաքը:

Տղեն էկավ, տեհավ ախշիկը չկա. ընկավ քաղաքները ման
գալով, հարցնելով՝ չգտավ, ձին էլ ծախեց, կերավ, ասեց. «Փող
չմնաց, Ստամբուլ էթամ»:

Մի մարդ ասեց.— Նոքար կըլլե՛ս:

Ասեց.— Կըլլեմ:

Ամիսը բարիչեցին տասը մանեթ:

Ամիսը թամամեց, ասեց.— Իմ տասը մանեթը տուր, ես
էթամ:

Ասեց.— Դո՛ր ես էթում. մի ամիս էլ կաց, նո՛ր գնա:

— Անկարելի ա,— ասեց,— պըտի էթամ:

Ասեց.— Որ ըղենց ա, կացինը-սղոցը վե կալ, մի ծառ կա, կտրենք, նոր գնա:

Տղեն վե կալավ, գնաց ծառի տակը նստեց:

Տեհավ աղեն հտացավ, սկսեց կտրիլը:

Պառը կտրվավ, վեր ընկավ: Էդ ծառի գլխին մի ագռավի բուն կար. տեհավ ալ մահըտի վրա շարած անգին քարերը ըգրա միջին էր. ուրախացավ, վե կալավ դրեց ջեպը, ասեց.

— Սա ըսդրան ի ման դալի, գթա, հույս ունեմ ախչիկն էլ կգթնեմ:

Մեկ էլ տեհավ աղեն էլ էկավ, տեհավ ծառը կտրած:

Ասեց.— Ջորանա՛ս, վեր առ քու փողն, բարի ճանապարհ:

Փողն առավ, ընկավ ճանապարհ, գնաց. գնաց, ծովի դրաղը հասալ, նստավ գյամին, դուռ էկավ Ստամբուլ. ման էկավ, գնաց մի ղայֆաճու դուբանում գթավ ախչիկանը, ախչիկը ասեց.

— Բեհհիպար, մենծ բան էր որ անգին քարերը վե կալար ղնացիր, ինձ թողեցիր էնտեղ:

Տղեն նստավ, ինչ որ էլեւ էր, պատմեց, ջիպիցը անգին քարերը հանեց, տվեց ախչիկան:

Ախչիկը ասեց.— Մի ժամանակ ըստե մնանք, նոր կէթանք մեր երկիրը:

Թաքավորը վեղիրին կանչեց.— Վեգի՛ր,— ասեց,— արի ըստե: Վեգի՛ր, իմ ախչիկը կորավ՝ իսկի սալըղ տվող չէլավ, քո սողեն էլ կորավ՝ սալըղ տվող չէլավ. մենք չիմացանք, մեր դուշմանը ով էր:

Վեղիրն ասեց.— Մեղ շեն ասի, քուչեքում կասեն. դարվիշի գեյիմ մտնենք, էթանք ման գանք, հարցնենք:

Թաքավորն ու վեղիրը վեր կացան, մտան դարվիշի գեյիմ. ման էկան: Գնացին աշխարքը ման էկան, որտե հարցրին՝ սալըղ տվող չէլավ: Գնացին, դուռ էկան Ստամբուլ. էդ ախչիկա ղայֆի առաջովը անց էին կենում. ախչիկը տեհավ, ճանաչեց. ասեց. «էս թաքավորն ա՝ իմ հերն ա, էս էլ վաղիրն ա՝ սարաֆի հերն ա»: Ձեն տվեց.

— Դարվիշ բարա, ո՞ւր եք էթում:

Ասեցին.— էթալու տեղ չունենք, ման ենք գալի:

Ասեց.— Համեցեք ըստե՛ղ ղայֆա էլ կա, չայ էլ կա, նարկիլա էլ կա, ինչ որ ուզեք, կա:

Մտան նեքսե, տարավ ըդոնց տեղ տվեց, ըդոնց պատվեց: Դարվիշն ասեց.— Կերակուլ էլ կարա՞ս պատրաստի:

Ասեց.— էս սա՛հաթը կպատրաստեմ:

Կերակուրը պատրաստեց ու քաշեց ըդոնց աղաքը: Մութն էլ ընկավ: Դուռը շինեցին, էկան շորսով նստան ու հաց կերան:

— Դարվիշ բարա՛, — ասեց, — արխային կերեք ու ըստեք նեք:

Կերան ու պրծան, ախշիկն ասեց.— Դարվիշ բարա՛, երկար գշեր ա, դու աշխարք ման եք էկե, մի բան ասեք, անկաջ անենք:

Ասեց.— Մենք բեզարած ենք, դուք ասեք:

Ասեց.— Ես մի թեթև բան գիտամ, ասե՛մ:

Սկսեց գլխիցը. մոնց որ էլեւ էր, ընենց պատմեց. ասեց.

— Դու թաքավոր ես, էս էլ քու վազիրն ա, ես էլ քու ախշիկն եմ, էս էլ ինձ պրծացնող տղեն ա:

Քնեցին. առավոտը վեր կացան, ընկան ճանապարհ, էկա՛ն, իրանց քաղաքը դուս էկան:

էն վազիրին դուս արեց, ասեց.— Դու իմ դուշմանն ես զաթի, էն ախշիկն ու տղեն ինչդար իրար հետ ման են էկե, իրար հետ քվոր, ախպոր պես են էլե:

Թաքավորը ջխտին էլ կանչեց աղաքը, կաղնացրեց, ասեց.

— Որդի՛, իմ կորածը ո՛ր ես քթա, ըդրա պատճառը դու ես էլե, իմ ձեռով էս ախշիկն էլ տալիս եմ քեզ:

Նշան դրեց, օխտն օր հարսանիք արեց:

